

**6.16 GASTEIZKO AUTOBUS GELTOKIKO ZERBITZUENGATIK ORDAINDU
BEHARREKO TASA****I. IZAERA ETA FUNTSA****1. artikulua**

Arabako Lurralde Historikoko Toki Ogasunak arautzen dituen uztailaren 19ko 41/1989 Foru Arauaren 15. artikulutik 19.era bitartekoetan xedatutakoaren ildotik ezartzen ditu Gasteizko Udalak "Gasteizko autobus geltokiko zerbitzuengatik ordaindu beharreko tasa" —orobat aintzat harturik Auzitegi Konstituzionalaren abenduaren 14ko 185/1995 epaia eta uztailaren 13ko 25/1998 Legea—, eta ordenantza fiskal honetan arautzen; bertan aurreikusi gabekoetan, berriz, Zergen eta zuzenbide publikoko beste diru-sarrera batzuen kudeaketa, zerga-bilketa eta ikuskaritzari buruzko ordenantza orokorrean xedatutakoa aplikatuko da.

II. ZERGA-EGITATEA**2. artikulua**

Gasteizko autobus geltokiko areto eta instalazioetan ematen diren zerbitzuak dira tasa honen zerga-egitatea.

III. SUBJEKTU PASIBOAK ETA ERANTZULEAK**3. artikulua**

1. Arabako Zergen 6/2005 Foru Arau Orokorraren 35. artikuluan 3. atalean aipatzen diren pertsona fisiko eta juridikoak nahiz erakundeak izango dira zerga honen subjektu pasiboak, zergapeko gisa, Gasteizko autobus geltokiko zerbitzu eta jardueren onuradun direlarik, baita Gasteizko autobus geltokian abiapuntu-, igaroleku- edo helmuga-geldialdia egiten duten bidaiari-garraioko zerbitzuen titularrak ere.
2. Arabako Zergei buruzko Foru Arau Orokorraren 42. artikuluan adierazten diren pertsona edo erakundeek modu solidarioan erantzungo dute subjektu pasiboaren zerga-betebeharren aurrean.
3. Arabako Zergei buruzko Foru Arau Orokorraren 43. artikuluan adierazten diren pertsona edo erakundeak izango dira erantzule subsidiarioak.

IV. ZENBATEKOA**4. artikulua**

1. Zerga-oinarria honela zehaztuko da:
 - Autobusak bidaiariekin —bidaia bukatu edo hastean— sartu edo ateratzeari dagokionez: autobus bakoitza.
 - Txartelak ateratzeari dagokionez: linearen ibilbidea, kilometrotan adierazia.
 - Lineaz kanpoko garraio zerbitzu kolektiboak dagokienez: autobus eta bidaiari bakoitzeko.

- Txartelak saltzeko lokalak okupatzeari dagokionez: modulu mota bakoitzeko, hilean.
- Geltokiak arautu eta administratzen dituen fakturazio zerbitzuengatik: fardel bakoitzeko, egunean.
- Kontsigna zerbitzua erabiltzeagatik: okupatutako modulu mota bakoitzeko, egunean.
- Aparkalekuagatik: autobus bakoitza eta egonaldiaren iraupena.
- Gidarien gela erabiltzeari dagokionez: baimendutako gidari bakoitzeko, hilean.
- Stand edo saltokia jartzeagatik: azalera eta hori okupatzen den denbora.
- Nasetan saltokia edo promozio-lekua jartzeagatik, azaleraren arabera, egunean.
- Liburuxkak eta laginak banatzeagatik, standik gabe: egunean.
- Salmenta-makinak: bakoitzeko eta denbora-tarteko.
- Bulegoak aldizka erabiltzea: eguneko.
- Espazio bereziak erabiltzea: espazio motaren arabera, eguneko.
- Geltokiko informazio-pantailetan publizitatea jartzeko, iragarki eta aldi bakoitzeko, ordenantzan finkatzen diren formatu eta denboren arabera

2. Tarifa hauen arabera zehaztuko dira zerga-kuotak (euroak, BEZ gabe):

1. epigrafea Gasteizko autobus geltokiko zerbitzuengatik ordaindu beharreko tarifen laukia.

A TARIFA:

A.1.- Bidaiariak daramatzen autobus bat sartu edo ateratzeagatik, zerbitzu erregularreko bidaia hasi edo bukatzean, edo bertatik igarotzean, 20 km arteko ibilbidea badu 0,208776 euro

A.2.- Bidaiariak daramatzen autobus bat sartu edo ateratzeagatik, zerbitzu erregularreko bidaia hasi edo bukatzean, edo bertatik igarotzean, 20 km-tik 50era bitarteko ibilbidea badu 0,313163 euro

A.3.- Bidaiariak daramatzen autobus bat sartu edo ateratzeagatik, zerbitzu erregularreko bidaia hasi edo bukatzean, edo bertatik igarotzean, 50 km-tik 100era bitarteko ibilbidea badu..... 0,521939 euro

A.4.- Bidaiariak daramatzen autobus bat sartu edo ateratzeagatik, zerbitzu erregularreko bidaia hasi edo bukatzean, edo bertatik igarotzean, 100 km-tik gorako ibilbidea badu 0,730714 euro

B TARIFA:

Geltokiko zerbitzu orokorregatik, bidaia Gasteizen hasten edo bukatzen duten bidaiariei saldutako txartel bakoitzeko:

B.1.- 20 km arteko lineak 0,052193 euro

B.2.- 20 km-tik 50era arteko lineak 0,104387 euro

B.3.- 50 km-tik 100era arteko lineak 0,130485 euro

B.4.- 100 km-tik gorako lineak 0,182647 euro

C TARIFA:

Lineaz kanpoko garraio zerbitzu kolektiboek, turismo garraioek eta bestek geltokia erabiltzea —abiatzea, heltzea nahiz igarotzea—

- C.1.- Autobus bakoitzeko 1,696300 euro
 C.2.- Bidaiari bakoitzeko 0,156582 euro

D TARIFA:

- D.1.- Leihatila soil baten hileko alokairua 86,90 euro
 D.2.- Leihatila arrunt baten hileko alokairua 173,70 euro
 D.3.- Turismo enpresei eta lineaz kanpoko garraioa eskaintzen dutenei
 leihatila bat alokatzea, ordu edo ordu-zatiko 8,70 euro

E TARIFA:**E.1.** Geltokiak arautu eta administratutako fakturazio zerbitzuengatik

Garraiolariak bidalketa horretarako duen paketeria-tarifaren ehuneko 20 kobratuko da bidalitako nahiz jasotako fardel bakoitzeko (garraioa eta beste geltokiko fakturazio-tarifa barne).

- E.2.-** Eskuko ekipaje fardel bakoitzak fakturazioan egiten duen egun gehigarri bakoitzeko 0,90 euro

- E.3.-** Maleta bakoitzak fakturazioan egiten duen egun gehigarri bakoitzeko 1,70 euro

Egunak kalkulatzeari dagokionez, geltokiko atondoa jendearentzat ixten den unea joko da egunaren amaieratzat.

F TARIFA:

Kontsigna automatikoa erabiltzeagatik (gehienez 15 egun natural):

- F.1.- Kontsigna ertainagatik, eguneko edo egun zatiko 2,60 euro
 F.2.- Kontsigna handiagatik, eguneko edo egun zatiko 3,40 euro

Egunak kalkulatzeari dagokionez, geltokiko atondoa jendearentzat ixten den unea joko da egunaren amaieratzat.

Kontsigna automatikoa erabiltzen hasten denetik 15 egun igarotzen direlarik, geltokiko administrazioak biltegira eraman ahalko ditu kontsignetan gordetako ondasunak. Kontsignan 15 egunetik gora egon diren ondasunak eskuratzeko, kontsigna 15 egunez erabiltzeari dagokion prezioa ordaindu beharko da eta horretaz gainera:

- F.3** .- Hamabosgarren egunetik aurrera, kontsigna ertain batean gordetako ondasunak biltegian egiten duen egun bakoitzeko 0,80 euro

- F.4** .- Hamabosgarren egunetik aurrera, kontsigna handi batean gordetako ondasunak biltegian egiten duen egun bakoitzeko 1,70euro

Gasteizko Udalak kontsignetan edo biltegian gordetako ondasunak bahitzeko eskubidea izango du, edozeinen aurrean, kontsigna eta biltegia erabiltzeagatik ordaindu beharreko prezioaren ordainketaren berme gisa.

Kontsignetan utzitako eta biltegia eramandako ondasunak abandonatuta geratu direla zehazteko legezko epea gainditzen delarik, udaltzaingoari emango zaizkio, eta galdutako objektuen arloan indarrean dauden xedapenenetan jasotakoa aplikatu ahalko du.

G TARIFA:

G.1.- Autobusa aparkatzeagatik —lekua izanik—, 08:00etatik 24:00ak arte,
orduko..... 1,40 euro

G.2.- Autobusa aparkatzeagatik —lekua izanik—, 24:00etatik 08:00ak arte,
orduko..... 0,80 euro

H TARIFA:

Geltokiko gidarien gela erabiltzeagatik,
baimendutako gidari bakoitzeko, hilean. 8,70 euro

I. TARIFA:

I.1.- Ongi koadratu gabeko zerbitzu bakoitzagatik 206,00 euro (gehi BEZa) fakturatuko zaio garraio enpresari, zerbaketak eta likidazio-zuzenketak sortutako gastu gisa.

Hori guztia ordezeko kobrantzez bidegabeki jabetzearen ondorioz garraio-enpresari eta bertako langileei legozkiekeen erantzukizun penalez eta bestelakoez aparte izango da.

2. epigrafea STAND ETA SALTOKIAK

Produktu edo zerbitzuen promozioa egiteko standak oro sartzen dira epigrafe honetan, baita bazkide edo bezeroak egiteko direnak ere. Orobat sartzen dira bertan nagusiki uanean uneko transakzio ekonomikoak —ondasun edo zerbitzu bat erosi eta ordaindu— egiten diren standak oro.

Ez dira sartzen, ordea, Estatuaren loteria eta apustuen saltokiak eta bestelako joko eta apustuak, beste prozedura batzuen bitartez kontratatzen direnak.

Aldi berean gehienez bi stand edo saltoki egon ahalko dira instalatuta, geltokiaren portxe edo atondoan, Autobus Geltokiaren Zerbitzuko buruak zehazten dituen lekuetan.

Aukeran, urte osorako esleituko dira; lekuetakoren bat urte osorako esleitzerik ez badago, hilabeteka kontratatuko da, eta, modu horretan ere lekuren bat bete gabe geratzen bada, aldi txikiagoetarako kontratatu ahalko da.

2.1 Stand edo saltokia, 8 m² arte:

- Egunean,42,00 euro
- Hilean, 630,40 euro
- Urtean, 7092,90 euro

3. epigrafea NASETAKO LEKUA.

Nasan jartzen diren gurditxo txikiak eta salmenta nahiz promozio kioskoak sartzten dira epigrafe honetan.

Aldi berean gehienez halako bi egon ahalko dira instalatuta nasen eremuan, Autobus Geltokiaren Zerbitzuko buruak zehazten dituen lekuetan.

3.1 Nasako lekua, 6 m² arte, 31,50 euro egunean

4. epigrafea LIBURUXKA ETA LAGINEN BANAKETA (standik gabe).

Pertsona batek material grafikoa edo laginak ematea sartzten da epigrafe honetan — bestelako promozio euskarri finko nahiz mugikorrik gabe, halakorik baliatuz gero promozio lekutat jo beharko bailitzateke—. Materiala eramateko gurditxo bat erabiltzen utziko da.

4.1 Liburuxkak banatzea, standik gabe: 52,50 euro egunean

5. epigrafea SALMENTA-MAKINAK

Salmenta makinak jartzea sartzten da epigrafe honetan. Ez dira sartzten, ordea, janari-edariak saltzeko makinak, telefono kabinak, kutxazain automatikoak eta beste.

Aukeran, urte osorako esleituko dira. Lekuetakoren bat urte osorako esleitzerik ez badago, hilabeteka kontratatuko da.

5.1 Geltokian zerbitzua eskaintzen duten lineetako bidaia-txartelak saltzeko edo garraio-txartelak edo antzeko bitartekoak kargatzeko makinak

- Hilean 525,40 euro, edozein delarik ere esleipenaren iraupena.

5.2 Bestelako salmenta-makinak:

- Hilean, 210,20 euro
- Urtean, 2101,60 euro

7. epigrafea Autobus geltokiaren barruan **telefonía mugikorra** instalatzea, antenen bitartez, zerbitzuak komertzializatzen dituen enpresaren bezeroei estaldura egokia emate aldera, ekipo zentralak instalatzeko lekuak lagatzea barne.

7.1 Estaldura mugikorreko sare bakoitzeko:4203,20 euro urtean.

7. epigrafea ESPAZIO BEREZIAK

Aurreko puntuetan adierazitakoez bestelako lekuak dira, geltokiaren barruan, beren neurri eta ezaugarriengatik ospakizunak, azokak, multimedia grabazioak eta beste egiteko egokiak.

7.1 Portxea erabiltzeagatik —geltokia zabalik dagoen orduetan, geltokiaren erabiltzaileekin partekatu beharko da erabilera, ezinbestean, eta ezingo da autobus geltokiko zerbitzuan interferentziarik sortu—:

- Egunean..... 472,90 euro.

7.2 Atondoa erabiltzeagatik —geltokia zabalik dagoen orduetan, geltokiaren erabiltzaileekin partekatu beharko da erabilera, ezinbestean, eta ezingo da autobus geltokiko zerbitzuan interferentziarik sortu—:

- Egunean..... 472,90 euro.

7.3 Nasen eremua erabiltzeagatik —geltokia zabalik dagoen orduetan, geltokiaren erabiltzaileekin partekatu beharko da erabilera, ezinbestean, eta ezingo da autobus geltokiko zerbitzuan interferentziarik sortu—:

- Egunean..... 472,90 euro.

7.4 Aparkaleku eremu mugatua ibilgailuak aparkatzeko ez bestetarako erabiltzeagatik:

- aparkaleku bakoitzeko, 12,60 euro egunean.

Aurreko epigrafeetan ageri diren tarifei balio erantsiaren zerga gehituko zaie.

Kutzazainetan edota kobratzeko makina automatikoetan egiten diren ordainketen kasuan, kalkulatzeko diren BEZaren zenbatekoak bost zentimoren multiplo txikiagora biribilduko dira.

8 epigrafea. INFORMAZIO-PANTAILETAKO PUBLIZITATEA

Informazio-pantailak berrogei hazbeteko (40') 6 pantaila dira, honako lekuetan kokatuta:

- ◆ Hiru geltokiko atondoan.
- ◆ Bi nasen inguruan.
- ◆ Bat kafetegian

eta 55 hazbeteko zortzi pantaila dituen videowalla. Hau geltokiko atondoan dago. Neurria: 2 x 4ko luze-zabalera.

Soinurik gabeko bideo edo irudi formatuetako iragarkiak 150 segundoan behin emango dira.

8.1. tarifa- 10 segundoko iragarkia, 120 segundoan behin, 40 hazbeteko 6 pantailatan, 1920*1080 pizeletan, honako espazioetan: 55 hazbeteko bi monitore dituzten bi espaziotan, 960*1080 pizeleko formatuan, videowallaren muturretan, edo 55 hazbeteko lau monitore dituen espazio batean, 1920*1080 formatuan. Iragarki eta hamabostaldi bakoitzeko 97,90 euro

8.2. tarifa- 10 segundoko iragarkia, 120 segundoan behin, videowalleko lau monitoretan. Formatua: 1920 * 1080 pixel. Iragarki eta aste bakoitzagatik: 51,50 euro: sei hilabetegatik: 566,60 euro; urtebetegatik: 875,70 euro (sei hilabeteko edo urtebeteko emisioak badira, interesdunak astero aldatu ahalko ditu iragarkiak).

Iragarleak arduratu beharko du iragarkiak geltokiko emisio sistemarekin bateragarriak diren irudi edo bideo formatuan emateaz.

Udalak debekatu egin ahalko du hainbat eduki zabaltzeaz. Edonola ere, debekatuta dago Publizitatearen 34/1998 Lege Orokorraren 3., 4. eta 5. artikuluetan adierazitako legez kanpoko publizitatea eta alderdi politikoen publizitatea.

V. SALBUESPENAK ETA HOBARIAK

5. artikulua

1. Hobariak

Hala eskatzen dutelarik, ehuneko 90ko hobaria lortzeko eskubidea izango dute onura publikoa aitortu zaien elkarteek standei dagokien tasan —gehienez hilabeteko kanpainak egiteko—, baita standik gabe liburuxka eta laginak banatzeari dagokion tasan ere. Horretarako, onura publikoa adierazten duen agiriaren fotokopia erantsi beharko diote espazioak erabili ahal izateko eskabideari, irabazi-asmorik gabeko erakundeen zerga-erregimena arautzen duen 16/2004 Foru Arauan aurreikusitakoaren ildotik.

2. Salbuespenak

Erakunde publikoak salbuetsita egon dira standei dagokien tasa ordaintzetik —gehienez hilabeteko kanpainak egiteko—, baita standik gabe liburuxka eta laginak banatzeari dagokion tasa ordaintzetik ere, baldin eta udal administrazioaren helburuekin bat datozen jarduerak badira.

Era berean, Ogasun Saileko zinegotzi ordezkariaren ebazpena dela medio —aldeztatik eskabidea egiten delarik, eta proposamen-txosten arrazoitua—, tasa nahiz bermea ordaintzetik salbuetsi ahal izango dira beren ezaugarri bereziengatik hiriarentzat eta bertako biztanleentzat interes handikotzat jotzen diren jarduera eta zerbitzuak.

VI. SORTZAPENA ETA ORDAINKETA

6. artikulua

2. artikuluan aipatu diren zerbitzuak ematen nahiz esparruak edo instalazioak erabiltzen direnean sortzen da tasak eta, beraz, ordaintzeko obligazioa.

Zerbitzua edo jarduera benetan eman aurretik galdatu ahal izango da tasaren ordainketa.

VII. KUDEAKETA ARAUAK

7. artikulua

Espazio horien kudeaketari dagozkionetan, Ogasun Sailak ezartzen dituen berariazko arauak beteko dira.

Eta, nolana ere, xedapen hauek:

OROKORRAK:

Aurreko epigrafeetako prezioetan ez dira sartzen honako hauek:

- Berariazko segurtasuna —halakorik jarri edo kontratatzekotan, Autobus Geltokiaren Zerbitzuko buruak ontzat eman beharko du, ezinbestean—.

- Promozio stand eta saltokiak, nasetako lekuak nahiz salmenta-makinak instalatzeko egiten diren lan osagarriak aparte fakturatuko zaizkio bezeroari — aldez aurretik onartu beharko ditu gastu horiek—, edo hark kontratatuko ditu zuzenean, Autobus Geltokiaren Zerbitzuko buruak baimendu ondoren.
- Dena delako ekitaldiak iraun bitarteko garbiketa eta mantentze lanak, eta ondorngo garbiketa, zein nahitaezkoa izango den.
- Lizentzia eta baimenak.
- Aseguruak.
- Elektrizitate eta ur kontsumoa, eta datu-linearena.
- Geltokiaren esparruko publizitatea (banderak, pankartak eta antzekoak).
- Indarrean dagoen legediaren arabera aplikatu beharreko zergak.
- Muntatze eta desmuntatze denborak.
- Aparkalekua.

Nahitaezkoak dira:

- Erantzukizun zibilaren, suteen eta kalteen alorreko arriskuak oro estaltzen dituen aseguru-poliza.
- Bermea.

PARTIKULARRAK:

- Kontratazioa egingo bada, ezinbestean aurkeztu beharko da promozio stand eta saltokiaren, nasako lekuaren edo salmenta-makinaren irudia. Orobat zehaztu beharko da azalera (m²), baita diseinua eta ezaugarriak ere, eta argazki edo marrazki bat erantsi. Publizitatea egin eta laginak banatuko badira, produktuari buruzko informazio zehatza eman beharko da, baita banatzaileak eramango duen janzkera ere.
- Promozioa egin edo saldu nahi den produktua zein motatakoa den kontuan izango da, bertako negozioei zuzeneko konkurrentziarik ez egiteko.
- Promozio edo salmenta leku bakoitzean gehienez hiru lagun arituko dira, eta bana nasetakoetan —gehiago jartzekotan, proposamena egin beharko da, eta Autobus Geltokiaren Zerbitzuko buruak aztertu eta onetsi beharko du—.
- Kontratazio-aldia gehienez 12 hilabetekoa izango da.
- Argi eta garbi zehaztu beharko da jarduera-eremua.
- Ezingo da inolako megafoniarik baliatu, ezta girotze musika ere, berariazko baimenik gabe.
- Muntatze, desmuntatze eta garbitze lanek hartzen duten denbora kontratazio-aldian sartu beharko da.
- Kontratututako denbora gainditzen delarik, ehuneko 25eko gainordaina aplikatuko da, egun bakoitzeko, lehenengo bi egunetan. Hirugarren egunetik aurrera, standa kendu egingo da bertatik, eta biltegia eramango, eta sortzen diren gastuak errentariaren kontura izango dira.
- Ordainketa aldez aurretik egin beharko da, beti. Iraupena hainbat hilabetekoa bada, hilabetez hilabete ordaindu ahal izango da, baldin eta gutxienez bi hilabeteri dagokiona adinako bermea jarri bada.
- Nasetako lekuak olana batez estali beharko dira lanaldia bukatzean, eta segurtatu, inork kalterik eragin ez diezaien eta lekutik mugi ez ditzan.
- Nasetako lekuek ezingo dute bota kerik nahiz usainik. Ur biltegia badute, ezingo da bidean edo nasetan hustu.
- Publizitatea egin eta laginak banatzen badira, enpresa banatzailearen ardura izango da garbitasuna zaintzea, eta geltokiko banaketa-lekuan lurrera botatzen

diren liburuxka eta laginak jasotzea. Hala egin ezean, Autobus Geltokiaren Zerbitzuko buruak berehalakoan geldiarazi ahal izango du banaketa.

Xedapen gehigarria

Arrazoi sistematikoak zirela medio indarrean dauden legeetatik nahiz horiek garatzen dituzten bestelako arauetatik ordenantza fiskal honetara aldatu diren aginduak besterik gabe joko dira aldatutzat edo ordeztutzat jatorrizko lege-arau eta araudi horiek aldatzen direlarik.

Azken xedapena

Behin betiko onespeneraren erabakia Arabako Lurralde Historikoaren Aldizkari Ofizialean argitaratzen den egunaren biharamunean jarriko da indarrean ordenantza hau, eta berariaz aldatu edo indargabetu arte egongo da hala.